

EP

Ishonch

2018-yil 18-yanvar • payshanba • №8 (3981)

O'zbekiston kasaba uyushmalari Federatsiyasining nashri • Gazeta 1991-yil 21-martdan chiqqan boshlagan • www.ishonch.uz • e-mail: xatlar@ishonch-doverie.uz

Ўзбекистон Республикаси Президентининг ҚАРОРИ

Мамлакат иқтисодиётининг тармоқларини талаб юқори бўлган маҳсулот ва хом ашё турлари билан барқарор таъминлаш чора-тадбирлари тўғрисида

Мамлакатда валюта сиёсатини либераллаштириш, реал бозор конъюктурасини ҳисобга олган ҳолда нархни шакллантиришнинг замонавий механизмларини жорий этиш, соғлом рақобат ва ишбилармонлик муҳитини яхшилаш учун қулай шарт-шароитлар яратиш борасида комплекс чора-тадбирлар ижро этилди.

Ўзбекистон Республикаси Президентининг 2018 йил 16 январдаги «Мамлакатнинг озиқ-оват хавфсизлигини янада таъминлаш чора-тадбирлари тўғрисида»ги ПФ-5303-сон Фармонида мувофиқ мамлакатга озиқ-оват товарларини олиб кириш бўйича айрим субъектларга тақдим қилинган индивидуал божхона, солиқ ва бошқа имтиёзлар, шунингдек, бошқа преференцияларнинг бекор қилиниши носоғлом рақобат, айрим маҳсулот турлари импортининг монополаштирилиши, нархнинг суъий оширилиши, оқибатда, бу асосда асоссиз фойда қўришга қўмақлашувчи шарт-шароитларга барҳам бериш борасида муҳим қадам бўлди.

Шу билан бирга, баъзи тизимли муаммоларнинг мавжудлиги кўзланган чора-тадбирларни самарали амалга оширишга тўққонлик қилмоқда, айрим маҳсулот ва хом ашё турлари тақчиллигининг юзага келишига, улар нархнинг спекулятив ўсишига ва товар (иш, хизмат)ларни ишлаб чиқаришнинг рентабеллиги пасайишига олиб келмоқда. Хусусан:

биринчидан, айрим маҳсулотлар ва хом ашё ресурслари турларини маҳаллий ишлаб чиқариш ҳажмининг етарли эмаслиги зарур захирано шакллантиришни таъминлаш, мавжуд ишлаб чиқариш қувватларини тўлиқ ишга солиш имконини бермаётти, бу эса спекулятив операцияларга, оқир-оқибатда, талаб юқори маҳсулот ва хом ашёлар нархнинг ўсишига олиб келмоқда;

иккинчидан, юқори ликвидли маҳсулотлар ва хом ашё ресурсларини биржа савдоларида реализация қилишнинг самарали бозор механизмларини жорий этишдаги камчиликлар турли хил суниестемолчиликлар учун шарт-шароит яратмоқда;

учинчидан, нурда фойдали қазилмаларни ўз ичига олган ер қаъри участкаларидан фойдаланиш фаолиятини лицензиялашнинг мураккаб тартиб-таомиллари курилиш материалларини маҳаллий ишлаб чиқаришни ривожлантиришга ва мазкур соҳага тўғридан-тўғри инвестицияларни жалб этишга тўққонлик қилмоқда;

тўртинчидан, маҳаллий ишлаб чиқарувчилар томонидан етарли ҳажмда ишлаб чиқарилмайдиган, талаб юқори бўлган маҳсулотлар ва хом ашё ресурслари турларини импорт қилишда божхона божлари ставкасининг юқорилиги улар тақчиллигининг юзага келишига ва нархларнинг асоссиз ўсишига шарт-шароит яратмоқда;

бешинчидан, энергия сама-

радор технологияларни жорий қилган корхоналар учун рағбатлантирувчи механизмларни ишлаб чиқиш муддатларининг қўзилиши тайёр маҳсулот ишлаб чиқариш харажатларини кўпайтирмоқда.

Иқтисодиёт тармоқларини талаб юқори бўлган маҳсулот, хом ашё ва материаллар турлари билан барқарор таъминлаш, мавжуд ишлаб чиқариш қувватларидан янада самарали фойдаланиш, шунингдек, иқтисодиётни либераллаштириш шароитида маҳаллий корхоналарни қўллаб-қувватлаш мақсадида:

1. Ўзбекистон Республикаси Президентининг 2017 йил 14 ноябрдаги «Ёқилғи-энергетика ресурслари ҳамда бошқа юқори ликвидли маҳсулотлар билан таъминлаш борасида рақобат муҳитини такомиллаштириш, суниестемолчиликлар ва талон-торожликлар шароитини тугатиш, тўлов интизомини мустаҳкамлаш, дебиторлик ва кредиторлик қарзларини қайтариш чора-тадбирлари тўғрисида»ги ПК-3386-сон қарорига мувофиқ 2018 йил 1 январдан бошлаб монополист корхоналар томонидан 27 номдаги юқори ликвидли маҳсулотларнинг фақат биржа савдоси орқали бозор тамойиллари асосида сотиш тартиби жорий этилганлиги маълумот учун қайта қилинсин.

2. Белгилаб қўйилсинки:
а) қуйидагилар биржа савдоларида реализация қилинади:

Биринчи Президентимиз таваллудининг 80 йиллиги ҳар томонлама муносиб нишонланади

Президентимиз Шавкат Мирзиёев раислигида шу йил 17 январ куни Ўзбекистон Республикасининг Биринчи Президенти Ислоҳ Каримов таваллудининг 80 йиллигини нишонлаш бўйича тайёргарлик ишларини самарали олиб бориш ва ушбу санани ҳар томонлама юқори савияда ўтказиш билан боғлиқ масалалар муҳокамасига бағишланган йиғилиш бўлиб ўтди.

Унда Биринчи Президентимиз Ислоҳ Каримов таваллудининг 80 йиллигини нишонлаш бўйича ташкилий қўмита аъзолари, тегишли вазирлик ва идоралар раҳбарлари, видеоконференция алоқа тизими орқали вилоят ҳокимлари, олий ўқув юртли ректорлари, «Нуроний» жамғармаси, Ўзбекистон Хотин-қизлар қўмитаси, Ёшлар иттифоқи ва бошқа жамоат ташкилотлари раҳбарлари ҳамда фаоллари иштирок этди.

Маълумки, шу йил 30 январ куни мустақил давлатимиз асосчиси, буюк давлат ва сиёсат арбоби, Биринчи Президентимиз Ислоҳ Каримов таваллудининг 80 йиллиги мамлакатимизда кенг нишонланади. Шу муносабат билан давлатимиз раҳбари Шавкат Мирзиёевнинг 2017 йил

27 ноябрда қабул қилинган қарори асосида юртимизда кенг қўламли ишлар олиб боришда. Жумладан, Самарқанд шаҳрида Ислоҳ Каримов мақбара мажмуаси, Қарши шаҳрида эса Биринчи Президентимиз хотирасига бағишлаб ҳайкал бунёд этилмоқда.

Шу билан бирга, Ислоҳ Каримовнинг гоят серкира ҳаёти ва фаолиятини кенг тарғиб этиш бўйича қўллаб маданий-маърифий ишлар амалга оширилмоқда. Хусусан, «Ўзбекино» миллий агентлиги томонидан айни шу мавзуга бағишланган ҳужжатли фильм суратга олинмоқда. Ўзбекистон Матбуот ва ахборот агентлиги томонидан бир қанча илмий-оммабоп китоблар, жумладан, Ислоҳ Каримовнинг «Юксак маънавият — енгилмас куч» асари нашр этил-

моқда. Тошкент шаҳрида фаолият кўрсатаётган Ислоҳ Каримов номидаги илмий-маърифий ёлгорлик мажмуаси ва Ислоҳ Каримов хайрия жамоат фонди томонидан ҳам бир қатор тадбирлар ўтказилмоқда.

Шунингдек, март ойида Самарқанд шаҳрида Биринчи Президентимиз Ислоҳ Каримовнинг ҳаёти ва фаолиятига бағишлаб халқаро илмий конференция ўтказиш ва бошқа муҳим тадбирлар бўйича кенг қўламли ишлар олиб боришмоқда.

Ислоҳ Абдуганиевич Каримов ўзининг Президент сифатидаги бутун ҳаёти ва фаолиятини юртимизда янги давлат, янги жамият барпо этиш, мустақиллигимизни мустаҳкамлаш, ўзбек номини, Ўзбекистон номини бутун дунёга тараннум этишдек улуг мақсадга бағишлади. Халқимиз мамлакатимизда истиклол йилларида амалга оширилган улкан ўзгаришларни ҳақли равишда Биринчи Президентимиз номи билан боғлайди, деб таъкидлади давлатимиз раҳбари Шавкат Мирзиёев.

2

Инвестиция дастурларини шакллантириш ва молиялаштиришнинг янги тартиби муҳокама қилинди

Мамлакатимиз Президенти Шавкат Мирзиёев раислигида 2018 йил 17 январ куни Ўзбекистон Республикасининг ривожланиш давлат дастурларини шакллантириш ва молиялаштириш бўйича жорий этилган янги тартиб асосида ишларни ташкил этиш масалаларига бағишланган видеоселектор йиғилиши бўлиб ўтди.

Йиғилишда Ўзбекистон Республикаси Бош вазири ва унинг ўринбосарлари, Қорақалпоғистон Республикаси Жўкорги Кенгеси раиси, Тошкент шаҳри ва вилоятлар ҳокимлари, тегишли вазирлик ва идоралар раҳбарлари иштирок этди.

Мамлакатимизда иқтисодиёт тармоқларини ривожлантириш, йирик инфрақурилиш объектлари ва

корхоналар барпо этиш жараёнига чет эл инвестициялари изчил жалб қилинмоқда.

Давлатимиз раҳбари юқори иқтисодий ўсишга эришиш ва кучли ижтимоий ҳимояни таъминлашда инвестицияларнинг муҳимлигини қайд этар экан, шу пайтгача бу борадаги ишлар пала-партиш бажариб келинганини танқид остига олди.

Илгари ушбу соҳа раҳбарлари юқори рақамлар ортидан қувиб, инвестицияларни жалб этиш ва ўзлаштириш бўйича кўрсаткичларини ошириб кўрсатишни қасб қилиб олган эди. Бунинг оқибатида ҳокимликлар ва тармоқ раҳбарлари ушбу «юқори бажариш учун молиялаштириш манбаси қафолатланмаган ва ташаббусқори аниқ бўлмаган, ҳудудлар ва тармоқлар ри-

вожланишига мос келмайдиган самарасиз лойиҳаларни Инвестиция дастурларига киритишга мажбур бўлар эди.

Масалан, 2012-2017 йиллар давомида «Ўзбекэнерго» акциядорлик жамияти томонидан умумий қиймати 3,3 миллиард АҚШ доллари бўлган 14 та лойиҳа инвестиция дастурларига киритилган. Кейинчалик уларнинг барчаси мақсадга мувофиқ эмас деб топилган ва ҳукумат қарорлари билан тўхтатилган. Энг ачинарлиси, мазкур лойиҳалар ҳужжатларини тайёрлашга 185 миллион АҚШ доллари сарфланган.

2

Очиқ мулоқот

Аввал хабар берганимиздек, Ўзбекистон ёшлар иттифоқи Марказий кенгаши, Мудофаа вазирлиги, Ички ишлар вазирлиги, Фавқулодда вазиятлар вазирлиги, Миллий гвардия ва Миллий хавфсизлик хизмати ҳамда Давлат божхона қўмитаси билан қўшма Қарор имзолаган эди.

Божхона бошқармасида ёшлар етакчиси иш бошлади

Унинг ижросини таъминлаш мақсадида Қашқадарё вилоят божхона бошқармасида Ёшлар иттифоқининг бошланғич ташкилотини тузиш бўйича таъсис йиғилиши бўлиб ўтди. Йиғилишда Ўзбекистон ёшлар иттифоқи вилоят кенгаши раиси Ш.Сатторов, вилоят божхона бошқармаси бошлиғи М.Аманов ва бошқарманинг ёш ходимлари иштирок этди.

Тавсия этилган 3 нафар номзоддан энг қўп овоз тўплаган Бекзод Норов Ёшлар етакчиси лавозимига лойик, деб топилди.

Шундан сўнг, Ёшлар иттифоқининг вилоят кенгаши раиси ва бошқарма бошлиғи билан ёш ходимларнинг очик мулоқоти уюштирилди.

Ахбор СОДИҚОВ

Кучли давлатдан — кучли фуқаролик жамияти сари

Қарши шаҳридаги Алишер Навоий номидаги маҳалла фуқаролар йиғини аҳли тадбиркорлиги билан ажралиб туради. Маҳалла қўчалари обод, саришта. 1 минг 212 хўжалик, 4 минг 700 дан зиёд аҳоли яшаётган ҳудудда ўнлаб савдо дўконлари, маиший хизмат кўрсатиш шохобчалари, тикувчилик цехлари фаолият юритмоқда.

— Ўтган йили ҳам ҳудуд фаровонлиги учун бир қатор ишларни амалга оширдик, — дейди маҳалла раиси Ғайрат Авазмуродов. — Хусусан, мактаб ва бошқа иншоотлар атрофида, кўча бўйларига 300 дан зиёд манзарали дарахт кўчатлари ўтказилди. 1,5 километрлик таъмирталаб йўлга шағал ётқизилди. Лотоклар хашар йўли билан лойкадан тозаланди. Ҳомийлар ва маҳалла фаоллари ёрдами билан кам таъминланган, ижтимоий ҳимояга муҳтож ва ногирон фуқароларга моддий ва маънавий ёрдам кўрсатилди.

Маҳалла фаоллари ҳар бир хонадонга кириб аҳолининг яшаш тарзини ўрганиш, томоркадан унумли фойдаланиш ва уни даромад манбаига айлантириш, хонадонларда касаначилик, тадбиркорликни ривожлантиришга қаратилган тарғибот ишларини доимий йўлга қўйган. Бунинг натижасида одамлар мўъжазгина ховлисини гуллаб-яшнаб қўйибди. Кимдир ихчам иссиқхона қурган бўлса, кимдир уйда тикувчилик цехи очган. Бошқаси бетон гишт ишлаб чиқармоқда. Айни пайтда маҳаллада 10 дан зиёд

МАҲАЛЛАДА БИР КҮН



мана шундай тадбиркорлик субъекти фаолият юритмоқда. Улардан бири «Мансуржон Ахбор» масъулияти чекланган жамияти раҳбари Ахбор Қодировдир.

— Фаолиятимизни 2008 йилда бошлаганимиз, — дейди Ахбор ака. — Цехимизда асосан бетон гишт ишлаб чиқарилади. 5 иш

ўрни яратганимиз. Мавсум пайтида кунига 1,5 мингтагача бетон гишт ишлаб чиқарилади. Ускуналаримиз бироз эски, шу боис энергия сарфи юқори. Яратилаётган шароит ва имкониятлардан фойдаланиб, энергия тежамкор замонавий технологиялар келтиришни режалаштирганмиз. Бу цехимиз фаолиятини янада

кенгайтириш ва қўшимча иш ўринлари яратиш имконини беради.

Маҳаллада хотин-қизлар бандлигини таъминлаш ва бўш вақтини мазмунли ўтказиш мақсадида уй шароитида касаначилик, миллий хунармандчилик билан шугулланишлари учун ҳам шароит яратилган. Ҳозир бу ерда ўнлаб хунарманд аёллар уй шароитида ўзларига ўхшаган хотин-қизларни атрофига бириктириб, тикувчилик, тўқувчилик сирларини ўргатмоқда.

— Тикувчилик билан шугулланаётганимизга 10 йилдан ошди, — дейди «Шерматова Мадина Мухторовна» оилавий тадбиркорлик корхонаси раҳбари Мадина Шерматова. — Аввалга яқка тартибда фаолият юритдим. Кейинчалик буюртмалар кўпайгач, оиламиздаги кўмакка чакирдим ва оилавий тадбиркорга айландим. Айни пайтда буюртмага қараб 3-4 турдаги эркаклар кийими тикамиз ва ички бозорга чиқарамиз. Тўлиқ маҳаллий хомашдан фойдаланамиз. Орттирган даромад ҳисобига сўнгги русумдаги 5 тикув машинасини харид қилдик. Бу эса маҳсулотларимиз сифатини янада оширди. Келажакда фаолиятимизни янада кенгайтиришни мақсад қилганмиз.

Алишер Навоий номидаги маҳаллада бир кунимиз мана шундай ўтди. Қайси хонадонга кирманг, бир ўзгартиш, янгиликнинг гувоҳи бўласиз. Одамлар бугундан, ҳаётдан мамнун, эртанги кунга ишончи мустаҳкам.

Ў.БАРОТОВ,
ЎЗА мўҳбири,
Жамшид НОРҚОБИЛОВ
(ЎЗА) олган сурат.

Ўзбекистон Республикаси Президентининг ҚАРОРИ

Мамлакат иқтисодиётининг тармоқларини талаб юқори бўлган маҳсулот ва хом ашё турлари билан барқарор таъминлаш чора-тадбирлари тўғрисида

41 экстракцион бензин, мис катоди, мис катанкаси, иккиламчи алюминий, металл рух, чорва озуқаси учун бугдой — факат туман (шахар) хокимликлари хулосасига мувофиқ уларни кейинчалик қайта ишлаш бўйича ишлаб чиқариш қувватларига эга бўлган корхоналарга;
техник чигит — факат мазкур қарорнинг 1-иловасида кўрсатилган ва ушбу уруғликни ишлаб чиқариш жойида жойлашган «Ўзпахтаёғ» АЖнинг ёғ-мой корхоналарига;
б) куйидагилар, истисно тарикасида, белгиланган нархлар асосида тўғридан-тўғри шартномалар бўйича реализация қилинади:
автомобил бензини — бюджет ташкилотлари ва автомобилларга ёқилги куйиш шохобчаларига;
дизел ёқилгиси — бюджет ташкилотлари, давлат буюртмаси бўйича пахта хом ашёси ва ғалла етиштириб берувчи фермер хўжаликлари, «Ўзбекистон темир йўллари» АЖ, «Тошшахартрансхизмат» АЖ, маиший чикиндиларни йиғиш ва олиб кетиш бўйича давлат корхоналарига;
кўмир — бюджет ташкилотлари, аҳоли ва «Ўзбекэнерго» АЖ корхоналарига;
аҳолининг ижтимоий эҳтиёжманд қатламларига мўлжалланган пахта ёғи — 10 фойздан ортиқ бўлмаган миқдордаги чакана устамани ўз ичига олган белгиланган нарх бўйича кейинчалик тақсимлаш учун Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари томонидан белгиланган улгуржи ва чакана корхоналарга, давлат стратегик захирасини шакллантириш учун — белгиланган нарх бўйича Ўзбекистон Республикаси Вазирлар Маҳкамаси хузуридаги Давлат захираларини бошқариш қўмитасига;
в) пахта толаси уни қайта ишлаш бўйича ишлаб чиқариш қувватига эга бўлган маҳаллий тўқимачилик корхоналарига биржа савдолари орқали, «Давлат белгиси» ДИЧБ, «Ўзпахтасаноат» АЖ ва Ўзбекистон кўрлар жамияти корхоналари ҳамда Ўзбекистон Республикаси Ички ишлар вазирлиги Жазони ижро этиш бош бошқармаси муассасаларига технологик эҳтиёж ва мавжуд ишлаб чиқариш қуввати доирасида тўғридан-тўғри шартномалар бўйича реализация қилинади;
г) пахта чигити шелухаси ва шрот амалдаги биржа устамалари ва ҳажмларни тақсимлаш тартиби сақланган ҳолда биржа савдоларида реализация қилинади.
3. Ўзбекистон Республикаси Бош прокуратураси Ўзбекистон Республикаси Президенти хузуридаги Лойиха бошқаруви миллий агентлиги ва бошқа маънафатдор идоралар билан биргаликда икки ой муддатда юқори ликвидли маҳсулот турларини реализация қилиш бўйича товар-хом ашё биржалари фаолиятининг ўрғанилишини, нархлар асосис ўсишига йўл қўймаслик, иштирокчиларнинг биржа савдоларида эркин қатнашишини таъминлаш, биржа савдоларини электрон тизимларидан руҳсатсиз фойдаланишдан самарали ҳимоя қилиш бўйича таклифлар тайёрлашни ташкил этсин.
4. Нормда фойдали қазилмаларни ўз ичига олган ер қазри участкаларидан фойдаланиш ҳуқуқи учун лицензиялар бериш бўйича Ўзбекистон Республикаси Вазирлар Маҳкамасининг комиссияси тугатилиб, нормда фойдали қазилмаларни ўз ичига олган ер қазри участкаларидан фойдаланиш ҳуқуқи учун лицензия бериш бўйича қазилмаларни ўз ичига олган ер қазри участкаларидан фойдаланиш ҳуқуқи учун лицензия олиш бўйича қазилмаларни кўриб чиқиш муддати 20 кунгача қисқартирилади;
нормда фойдали қазилмаларни ўз ичига олган ер қазри участкаларидан фойдаланиш ҳуқуқи учун лицензия олишда муружаат қилувчининг устав фондида қўйилган талаб буюртма

тақдим этилган вақтда қонунчиликда белгиланган энг кам ойлик иш ҳақининг 500 бававари миқдорини ташкил этади;
нормда фойдали қазилмаларни қазиб олиш учун қон ажратмаларини бериш ер қазридан фойдаланувчилар томонидан ишчи лойиха тақдим этилган кундан бошлаб 10 кун давомида амалга оширилади.
Ўзбекистон Республикаси Давлат геология ва минерал ресурслар қўмитаси бир ой муддатда нормда фойдали қазилмаларни ўз ичига олган ер қазри участкаларидан фойдаланиш ҳуқуқи учун лицензиялар беришининг янгиланган тартиби ишлаб чиқиши ва ўрнатилган тартибда киритилишини таъминласин.
5. Маҳаллий корхоналар томонидан Ўзбекистон Республикаси хулудиде фойдаланиш назарда тутилган ўзида ишлаб чиқарилган товар (иш, хизмат)ларни етказиб беришга тўғридан-тўғри битимлар шартида норезидентлар билан хорижий валютада шартномалар тузиш тартиби бекор қилинсин.
6. Ўзбекистон Республикаси Давлат геология ва минерал ресурслар қўмитаси, «Саноатгеокохтехназорат» давлат инспекцияси, Бош прокуратура, «Ўзқурилишматериаллари» АЖ Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда икки ой муддатда нормда фойдали қазилмалар конларидан фойдаланилишини танқидий ўргансин ҳамда куйидагиларни ҳам назарда тутган ҳолда уларни ўзлаштириш самарадорлигини ошириш бўйича таклифлар киритсин:
ишлаб чиқаришни модернизация қилиш ва муқобил энергия манбаларини жорий этиш орқали, шу жумладан нормда фойдали қазилмаларни қазиб олиш ва қурилиш материаллари ишлаб чиқаришнинг энергия сифтини камайтириш йўли билан харажатларни оптималлаштириш;
муқобил кум-шағал ва ўзлаштириш;
нормда фойдали қазилмаларни ўз ичига олган ер қазри участкалари ҳақида тадбиркорлик субъектларини кенг хабардор қилиш.
7. Белгиланган қўйилсинки, Ўзбекистон Республикаси Вазирлар Маҳкамасининг 2017 йил 28 декабрдаги 1025-сон қарори иловасининг 1-бандида кўрсатилган табиий газ истеъмолчи ташкилотларга нисбатан табиий газни реализация қилишда нарх белгилашнинг алоҳида тартиби татбиқ этилмайдиган истеъмолчилар учун белгиланган амалдаги тарифга нисбатан 1,6 коэффициент қўлланилган ҳолда тўлаш тартиби 2018 йил 1 апрелга қадар амалда бўлади.
«Ўздаэнергогазорат» ва «Ўздаэнергогазорат» давлат инспекциялари, «Энергия тежаш миллий компанияси» АЖ «Ўзстандарт» агентлиги ва Ўзбекистон Республикаси Адлия вазирлиги билан биргаликда 2018 йил 15 февралга қадар муддатда корхоналарга улар томонидан қўлланиладиган технологиялар ва асбоб-ускуналарнинг энергия жиҳатдан самарадорлик кўрсаткичларига мувофиқлиги, шунингдек, ёқилгининг муқобил турларидан фойдаланиш тўғрисида хулосалар бериш тартибининг ишлаб чиқиши ва амалга киритилишини таъминласин.
8. «Ўзқурилишматериаллари» АЖ, Ўзбекистон Республикаси Иқтисодиёт вазирлиги, «Ўзбекэнерго» АЖ, «Ўзтрансгаз» АЖ, Қорақалпоғистон Республикаси Вазирлар Кенгаши, вилоятлар ҳокимликлари 2-иловага мувофиқ қурилиш материаллари асосий турларини ишлаб чиқариш қувватларининг фойдаланишга топширилишини таъминлаш чораларини кўрсин.
9. 2019 йил 1 январга қадар муддатта импорт қилишда божхона тўловлари тўлаш бўйича имтиёз белгиладиган (божхона расмийлашти-

руви учун йиғимлар бундан мустасно) маҳсулот, хом ашё ва материаллар турларининг рўйхати 3-иловага мувофиқ маъқуллансин.
Ўзбекистон Республикаси Вазирлар Маҳкамаси икки ой муддатда талаб юқори бўлган, биринчи навбатда, маҳаллий ишлаб чиқарувчилар томонидан етарли ҳажмда ишлаб чиқарилмайдиган маҳсулот ва хом ашёларни ишлаб чиқаришни жадал ривожлантириш дастурини тасдиқласин.
10. «Қишлоқ қурилиш инвест» ИК МЧЖга ёғоч-тахта материаллари ва том ёпиш учун темир листларнинг энг яхшиларини танлаб олиш натижалари бўйича тендер савдоларини ўтказмасдан импорт контрактларини Ўзбекистон Республикаси Президенти хузуридаги Лойиха бошқаруви миллий агентлиги хузуридаги Лойихалар ва импорт контрактларини комплекс экспертиза қилиш марказида экспертизадан ўтказган ҳолда ишлаб чиқарувчилардан мустақил сотиб олиш ҳуқуқи берилсин.
«Қишлоқ қурилиш инвест» ИК МЧЖ ёғоч-тахта материаллари ва том ёпиш учун темир листларни импорт қилишда божхона тўловларини (божхона расмийлаштируви учун йиғимлар бундан мустасно) ва янгиланган намунавий лойихалар бўйича арзон уй-жойларни қуриш доирасида уларни бош пудрат ташкилотларига реализация қилишда қўшимча қиймат солигини тўлашдан озод қилинсин.
Белгилаб қўйилсинки:
«Қишлоқ қурилиш инвест» ИК МЧЖ томонидан ёғоч-тахта материаллари ва том ёпиш учун темир листларни бoш пудрат ташкилотларига тўғридан-тўғри шартномалар бўйича реализация қилиш рентабеллиги 5 фойздан ошмаган нархда амалга оширилади;
«Ўзсаноатэкспорт» АЖга ёғоч-тахта материаллари ва том ёпиш учун темир листларни импорт қилишда берилган божхона тўловларини ва уларни «Қишлоқ қурилиш инвест» ИК МЧЖга реализация қилишда қўшимча қиймат солигини тўлашдан озод қилиш тарзидаги имтиёзлар ушбу қарор қабул қилинган кунга қадар имзоланган импорт контрактларига нисбатан қўлланилади.
Ўзбекистон Республикаси Молия вазирлиги «Қишлоқ қурилиш банк» АТБ билан биргаликда ўн кун муддатда ёғоч-тахта материаллари ва том ёпиш учун темир листлар импортини молиялаштириш манбалари ва механизмлари бўйича таклифлар киритсин.
11. Ўзбекистон Республикаси Ахборот технологиялари ва коммуникацияларни ривожлантириш вазирлиги Ўзбекистон Республикаси Президенти хузуридаги Лойиха бошқаруви миллий агентлиги ва бошқа маънафатдор идоралар билан биргаликда 2018 йил 1 июлга қадар муддатда Ўзбекистон Республикаси Лойиха бошқарувининг ягона миллий ахборот тизими доирасида ҳисобга олиш ва ҳисобот жараёнида автоматлаштириш, шунингдек, реал вақт режимида «қурилиш материалларини қазиб олиш — ташиниш — сақлаш — қайта ишлаш — ишлаб чиқариш — реализация қилиш» занжири бўйича жараёни кузатиб бориш имконини берувчи Идораларо ҳамкорликнинг ягона интеграциялашган ахборот тизими жорий этилишини таъминласин.
12. Ўзбекистон Республикаси Иқтисодиёт вазирлиги, Адлия вазирлиги, Давлат геология ва минерал ресурслар қўмитаси бошқа маънафатдор идоралар билан биргаликда икки ой муддатда қонун ҳужжатларига ушбу қарордан келиб чиқадиган ўзгартриш ва қўшимчалар тўғрисида Ўзбекистон Республикаси Вазирлар Маҳкамасига таклифлар киритсин.
13. Мазкур қарорнинг ижросини назорат қилиш Ўзбекистон Республикасининг Бош вазири А.Н.Арипов ва Ўзбекистон Республикасининг Бош прокурори И.Б.Абдуллаев зиммасига юклансин.

Ўзбекистон Республикаси Президенти

Ш.МИРЗИЁЕВ

Тошкент шаҳри, 2018 йил 17 январь

Биринчи Президентимиз таваллудининг 80 йиллиги ҳар томонлама муносиб нишонланади

41 Шунинг учун ҳам бу тарихий санани ҳар томонлама юксак даражада ўтказиш бизнинг ўз тарихимизга, мустақиллигимизга бўлган ҳурматимизни, халқ, миллат сифатидаги маданиятимиз ва маънавиятимизни намойиш этиши, айнан шунга қараб дунё жамоатчилиги бизга баҳо беришига йиғилишда алоҳида эътибор қаратилади. Энг муҳими, бундай кутлуг саналар ўз тарихимиз, миллий ўзгичлигини англашга, халқимиз, айниқса, ёшларимизни эл-юртимизга бутун борлигини бериб, фидойиллик кўрсатиб яшаган улуг инсонларнинг ибратли фаолиятига ҳар томонлама муносиб эътибор, уларнинг эзгу фазилатлари руҳида тарбиялашга хизмат қилиши қайд этилди.

Йиғилишда Бош вазир, юбилей ташки-

лий қўмитасининг раиси А.Арипов, Президентнинг Давлат маслаҳатчиси Х.Султонов, Тошкент шаҳар ҳокими Р.Усмонов, Ислам Каримов номидаги илмий-маърифий ёдгорлик мажмуаси раҳбари Т.Ширинов, Қашқадарё вилояти ҳокими З.Рўзиев, Самарқанд вилояти ҳокими Т.Жўраев, Наманган вилояти ҳокими Х.Бозоров, Сурхондарё вилояти ҳокими Э.Турдимов, Қорақалпоғистон Республикаси Жўқорғи Кенгеси раиси М.Ерниязовнинг ҳисоботлари эшитилди.

Йиғилишда Ўзбекистон Республикасининг Биринчи Президенти Ислам Каримовнинг 80 йиллик юбилейига тайёргарлик кўриш бўйича амалга оширилган ишлар чуқур таҳлил қилиниб, асосий юбилей тадбирларини юксак даражада ўтказиш бўйича аниқ вазифалар белгилаб берилди.

Юбилей кунларида барча таълим муассасалари, ҳарбий қисмлар, меҳнат жамоалари ва маҳалларда таниқли адиб ва олимлар, нурунийлар, турли соҳа мутахассислари иштирокчида Биринчи Президентимиз хотирасига бағишланган учрашувларни мазмуни ва юқори савияда, таъсирчан руҳда, аниқ ҳаётий мисоллар асосида ўтказишга алоҳида эътибор қаратиш зарурлиги қайд этилди.

Ислам Каримов таваллудининг 80 йиллигини нишонлаш билан боғлиқ барча маросим ва тадбирларни Биринчи Президентимизнинг Ватанимиз олдидаги нуғутилмас хизматларига ҳар томонлама муносиб ҳолда ўтказиш бизнинг нафақат вазифамиз, балки муқаддас инсоний бурчимиздир, деб таъкидлади пировардиде давлатимиз раҳбари.

ЎЗА

Инвестиция дастурларини шакллантириш ва молиялаштиришнинг янги тартиби муҳокама қилинди

41 Инвестиция дастурларини шакллантириш ва лойихаларни экспертизадан ўтказиш борасида ҳам қатор муаммолар бор. Бу жараён 15 йил аввал қабул қилинган қарорларда белгиланган мезон ва тартиблар асосида амалга ошириб келинган. Жумладан, лойиханинг техник иқтисодий асослари, бизнес режаси ва тендер ҳужжатлари ишлаб чиқилганда сўнг ваколатли органлар билан тақдор ва тақдор келишилши оқибатида унинг экспертизаси белгиланган 15 кун ўрнига 6 ойгача чўзилиш ҳолатларига кўп маротаба йўл қўйилган. Бу инвестиция лойихасининг қимматлашиши ва рентабеллиги пасайишига олиб келган.

Маълумки, инвестиция дастурларига иқтисодий асосланган, лойиха-смета ҳужжатлари тайёр бўлган лойихалар киритилиши зарур. Лекин илгариде бундай ҳужжатлар лойиха инвестиция дастурига киритилганда сўнг тайёрлаб келинган. Оқибатда лойиханинг дастлабки нархи ва тасдиқланган қиймати ўртасида баъзи ҳолларда хатто 80 фойзгача тафовут юзага келган. Бу бюджет маблағлари сарфи асоссиз равишда ошиб кетишига сабаб бўлган.

Лойихалар пухта ҳисоб-китоб қилинмагани, уларни амалга оширишга инвесторларнинг ўз маблағлари жалб этилмагани оқибатида кўп қабил корхоналар банкрот бўлган. Уларни соғломлаштириш вазифаси зиммасига юкланган тижорат банклари ҳам қатта зарарлар кўрган. Шу боис жорий йилдан бошлаб банкрот корхоналарни банклар балансида бериш амалиётига чек қўйилди.

Юзани ўтказилган иқтисодий таҳлил оқибатида лойихалар фойдаланишга қабул қилинганда кейин ҳам ўзини оқламаган — ҳамашё йўқлиги, энергия ва газ билан таъминланмагани, иқтисодий жиҳатдан самарасиз бўлгани сабабли маҳсулот ишлаб чиқариш ўзлаштирилмай қолган.

Яна бир қамчилик: ўз вақтида бажарилмагани ёки ижроси чала бўлгани учун айрим лойихалар йилдан йилга, дастурдан дастурга ўтиб келган. Масалан, Давлат санитария-эпидемиология назорати марказини лаборатория билан жиҳозлаш лойихаси давлат 2015 йилда, кейинчалик 2016 ва 2017 йилларда инвестиция

дастурларига тақдоран киритилган. Президентимизнинг 2017 йил 18 декабрдаги «Ўзбекистон Республикасининг ривожланиш дастурларини шакллантириш ва молиялаштиришнинг янги тартибини жорий этиш тўғрисида»ги қарори юқоридаги каби таҳлиллар натижасида қабул қилинди. Қарорга мувофиқ, мамлакатимизда тармоқ ва ҳудудий лойихаларни амалга ошириш бўйича мутлақо янги тартиб йўлга қўйилмоқда.

Давлатимиз раҳбари бу борадаги ишларни уч босқичда амалга ошириш зарурлигини таъкидлади. Биринчи босқичда Ривожланиш концепциясини ишлаб чиқиш ва тасдиқлаш керак. Ушбу Концепция тармоқ, ҳудудий ва мақсадли ижтимоий-иқтисодий ривожланиш йўналишларини амалга ошириш бўйича стратегик вазифаларни ўз ичига олган ҳужжат бўлади.

Иккинчи босқичда Ривожланиш концепцияси асосида мақсадли ва молиялаштириш манбалари аниқ бўлган 3 йиллик, яъни 2019-2021 йилларга мўлжалланган лойихалар портфели шакллантирилади. Ушбу лойихалар Инвестициялар бўйича давлат қўмитаси, Иқтисодиёт ва Молия вазирликларини билан келиштириб, Ўзбекистон Республикаси Президенти хузуридаги Лойиха бошқаруви миллий агентлигида экспертизадан ўтказилади. Ҳар бир лойихани амалга ошириш бўйича батафсил календар режаси ишлаб чиқилади.

Учинчи босқичда тасдиқланган 3 йиллик лойихалар портфели асосида Ривожланиш давлат дастурини ишлаб чиқиш ва тасдиқлаш талаб этилади.

Бундан буён Ривожланиш давлат дастурларига фақат дастлабки техник-иқтисодий асослари ва лойиха-смета ҳужжатлари мавжуд бўлган лойихалар киритилади, дея алоҳида таъкидлади Шавкат Мирзиёев. Президентимизнинг жорий йил 8 январдаги «Ўзбекистон Республикасининг давлат харидларини амалга ошириш, давлат дастури доирасидаги ҳужжатларни шакллантириш ва амалга ошириш бўйича комплекс экспертизанинг самарали тизимини ташкил қилиш тўғрисида»ги қарори соҳага оид яна бир муҳим ҳужжат бўлди. Унга мувофиқ, Лойиха бошқаруви

миллий агентлиги хузурида Лойихалар ва импорт контрактларини комплекс экспертиза қилиш маркази ташкил этилди. Эндиликда лойиха, тендер ҳужжатлари ва импорт шартномалари ушбу марказда экспертизадан ўтказилади.

Янги тартиб бўйича ишлар давом этаётгани боис 2018 йилги ижтимоий-иқтисодий ривожланиш лойихалари, истисно тарикасида, Президент томонидан тасдиқланган Инвестиция лойихалари рўйхати асосида амалга оширилади.

Давлатимиз раҳбари таъриба тарихида Тошкент шаҳри, Тошкент ва Самарқанд вилоятларида лойихаларни энергиятежамкор, замонавий қурилиш ва енгил конструкцияли материаллардан фойдаланган ҳолда амалга ошириш орқали уларнинг қийматини 20-30 фойзга арзонлаштириш амалиётини жорий этишни таклиф қилди.

Иқтисод қилинган маблағлар тўлалигича мазкур лойиха жойлашадиган шаҳар ёки туман ихтиёрида қолади ҳамда ушбу ҳудуднинг ижтимоий ва коммунал халқ хизматлари хал эйтишига йўналтирилади, деди Президентимиз.

Йиғилишда инвестиция лойихаларини иқтисодий, молиявий ва технологик асосланган ҳолда ишлаб чиқишда лойиха институтларининг ўрнига алоҳида эътибор қаратилади.

Амалдаги лойиха ишларини бажариш қондалари ўтган асрнинг 60-70-йилларида ишлаб чиқилган бўлиб, замонавий талабларга мутлақо жавоб бермайди. Шу пайтгача хорижий консўлтантларни жалб этган ҳолда бирорта ҳам янги лойиха институти яратилмаган. Хулудларда бутунги талабларга жавоб берадиган лойихалаштириш ташкилотлари йўқ.

Ҳозирда лойихалаштириш институтларининг асосий мақсади лойиха қийматини баланд қилиб кўрсатиб, ундан тегишли юқори фойзлик фойда олиш бўлиб қолган. Бутун буларнинг барчасига барҳам берадиган вақт келди, деди Шавкат Мирзиёев. «Ўзинжиқнинг» лойихалаштириш ташкилоти иқтисодиётнинг базавий тармоқларини лойихалаштиргани каби, қолган хўжалик бирлашмаларида ҳам худди шундай мутасадди юқори малакали мутахассисларга эга бўлган иқтисодлашган лойиха институтлари бўлиши керак.

Маълумки, лойихани амалга ошириш гуруҳларига тўланадиган ойлик харажатларини лойиханинг умумий қийматидан олинади. Яъни ушбу гуруҳлар муайян лойихани қанчалик кеч ишга туширса, шунча кўп маънафат кўради. Бу эса, ўз навбатида, лойиха нархининг сунъий равишда ошишига олиб келади.

Йиғилишда лойихалаштириш ишларини такомиллаштириш, яъни «лоиха» институтларини ташкил этиш, қурилиш-лоиха ҳужжатларини тайёрлаш ва экспертиза қилинишни мутлақо янги механизмини ишлаб чиқиш бўйича топшириқлар берилди.

Илгари қарз, кредит ва грант маблағларини жалб қилиш ва улардан фойдаланиш борасидаги ишлар Ўзбекистон Республикаси Вазирлар Маҳкамаси хузуридаги Халқаро молия институтлари, ташкилотлари ва донор маънафатлар билан ҳамкорлик қилиш, йирик ва стратегик муҳим инвестиция лойихаларини амалга ошириш мақсадалари бўйича идораларо кенгаш томонидан ташкил этиларди. Бу ваколатли давлат органларининг масъулияти ва таъаббускорлигини пасайтириб, ортиқча бюрократик тартиб-таомиллар ва харажатларга олиб келарди.

Президентимизнинг 2017 йил 20 декабрдаги «Халқаро ва хорижий молия институтлари билан ҳамкорликнинг самарадорлигини янада ошириш чора-тадбирлари тўғрисида»ги қарориде давлат бошқаруви органларининг етакчи халқаро ва хорижий молия институтлари билан ҳамкорлик қилиш бўйича ваколатлари аниқ белгилаб қўйилди. Барча даражадаги ҳокимликлар ушбу давлат органлари билан биргаликда иш олиб боради.

Бундан кейин Инвестиция дастури каби Ривожланиш давлат дастурига ҳам пухта ишланмаган, молиявий манбаси ва эгаси аниқ бўлмаган, фақатгина битимларда қолиб кетадиган лойихаларни киритиш амалиёти тақдорланса, тегишли раҳбарлар қонун олдида жавоб беради.

Йиғилишда бюджет ва инвестиция маблағларидан оқилана фойдаланиш, молиялаштириш базасини кенгайтириш, солиқ имтиёзлари тизимини такомиллаштириш ва бошқа мақсадалар муҳокама қилинди. Мутасаддиларга тегишли топшириқлар берилди.

ЎЗА

Тадбир

Фармон тарғиботи



Президентимизнинг «2018 йилда расмий саналарни нишонлаш даврида қўшимча ишланмайдиган кунларни белгилаш ва дам олиш кунларини кўчириш тўғрисида»ги Фармони қонунчиликда белгиланган дам олиш ва ишланмайдиган байрам кунларида фуқароларга тўлиқ ва фойдали дам олиш учун қўшимча шароитлар яратилишини таъминлашга қаратилгани билан аҳамиятлидир.

Давлат муассасалари ва жамоат хизмати ходимлари касба уюшмаси Республика кенгаши тизимидаги Тошкент ва Тошкент вилояти бирлашган касба уюшма кўмитаси томонидан ушбу фармон тарғиботи бағишланган семинар ташкил этилди. Унда мутасадди ташкилотларга дам олиш байрам кунларининг узайтирилишини ҳисобга олган ҳолда, республика

лика аҳолиси учун ички туризм ва транспорт ва мехмонхона хизматлари учун чегирмалар берилиши ҳамда акциялар ўтказилишини ташкил этиш вазифаси топширилгани, унинг ижросини қисқа муддатларда таъминлаш мақсадида «Ўзбекистон бўйлаб саёҳат қил!» дастури ишга ташкирлангани алоҳида таъкидланди. Семинар якунида касба уюшма

ташкilotлари томонидан жорий йилда фуқароларнинг расмий саналарни нишонлаш даврида тўлиқ дам олиш учун қўшимча шароитлар яратиш ва дам олиш, байрам кунларидан оқилона фойдаланиш, ички туризмни янада ривожлантириш бўйича кенг камровли чора-тадбирлар қабул қилинди.

Давронбек ОРИПОВ,
«Ishonch» мухбири

Давлат муассасалари ва жамоат хизмати ходимлари касба уюшмаси Республика кенгаши томонидан ташкил этилган семинардан кўзланган асосий мақсад ҳам дам олиш ва ишланмайдиган байрам кунларида меҳнат жамоаларини мамлакатимизнинг тарихий-маданий бойлиги, диққатга сазовор гўшалари билан яқиндан танишиш учун яратилган имкониятлардан фойдаланишга тарғиб этиш, «2018 йилда расмий саналарни нишонлаш даврида қўшимча ишланмайдиган кунларни белгилаш ва дам олиш кунларини кўчириш тўғрисида»ги Фармондан келиб чиқадиган тавсия ва чора-тадбирларни ишлаб чиқишдан иборат бўлди. Мазкур фармон қонунчиликда бел-

гиланган дам олиш ва ишланмайдиган байрам кунларида фуқароларга тўлиқ ва фойдали дам олиш учун қўшимча шароитларнинг яратилишини таъминлашга қаратилганлиги билан аҳамиятлидир.

Семинарда бошлангич касба уюшма ташкилотлари раислари, фаолларга ўз меҳнат жамоаларида мазкур фармон мазмун-моҳиятини тарғиб этишга қаратилган маданий-маърифий тадбирлар ташкил этиш бўйича тегишли тавсия ва топшириқлар берилди.

Ғулом ЖУМБАЕКОВ,
Давлат муассасалари ва жамоат хизмати ходимлари касба уюшмаси Гулистон шаҳар кенгаши раиси

Таълим



Очиқ дарс

Пойтахтимизнинг Мирзо Улугбек туманидаги 256-мактабда «Тарих ва ҳуқуқ фани ойлиги» бўйича очиқ дарс кунлари ташкил этилди.

Тадбирга тумандаги барча мактаблардан тарих фани ўқитувчилари таклиф этилиб, синфларда очик дарслар уюштирилди.

Хусусан, 6-«Г» синфи ўқувчилари учун «Антик даврнинг бошланиши», 7-«Б» синфда «Марказий Осиёлик мутафаккирлар. Илм-фаннинг ривожланиши», 8-«А» синфда «Инсонни англаш», 10-«Б» синф ўқувчиларига «Совет ҳокимиятининг Ўзбекистондаги катагонлик сиёсати: Унинг моҳияти ва оқибатлари» мавзуда очик дарслар ўтказилди.

— Фан ойлиги доирасида ташкил этилган дарсларнинг замонавий инновацион усуллардан фойдаланишга катта аҳамият қаратамиз. Бу усул эса ўқувчиларнинг тарих ва ҳуқуқ фанларига қизиқишларини янада оширишга хизмат қилмоқда, — дейди Мирзо Улугбек тумани халқ таълими бўлими ижтимоий фанлар услубчиси Наргиза Рустамова.

Ташкил этилган бугунги очик дарсларда ҳам инновацион усуллардан кенг фойдаланилди.

Икром ҲАСАНОВ,
«Ishonch» мухбири

Семинар

Самарқанд вилоят касба уюшма ташкилотлари бирлашмасида Энергетика ходимлари касба уюшмаси Республика кенгаши тизимидаги бошлангич ташкилотлар ва цех касба уюшма раислари, меҳнатни муҳофаза қилиш соҳасининг ёш мутахассислари ёшлар етакчилари ва касба уюшма фаоллари иштирокида семинар-тренинг бўлиб ўтди.

Маҳорат, изланиш, синов

Тадбир асоси «Меҳнатни муҳофаза қилиш тўғрисида»ги Ўзбекистон Республикаси қонуни ва қонуни ости меъёрий ҳужжатлар ҳамда Ўзбекистон касба уюшмалари Федерация Кенгашининг 2017 йил 20 ноябрдаги «Меҳнат муҳофазаси ва хавфсизлиги бўйича жамоатчилик назоратини ташкил этиш юзасидан республика кўрик-танловини тўғрисида»ги қарорининг мазмун-моҳияти юзасидан батафсил тушунчалар берилди.

Жумладан, ходимларнинг иш жараёнидаги хавфсизлиги, меҳнат қобилиятини сақлашга қаратилган тадбирлар тизими, касба уюшмаларининг давлат ва нодавлат ташкилотлар билан ҳамкорлиги Ўзбекистон касба уюшмалари Федерациясининг «Орт тараққиёти йўлида бирлашайлик!» шiori остида ўтказилган Форумда белгилаб олинган вазифаларга мувофиқ тарзда олиб боришмоқда.

Муносиб меҳнат шароити яратиш учун асос бўлган қатор қонуни ҳужжатлари қабул қилиниб, ижроси таъминланаётган. Соҳага оид қонуни ҳужжатларини ишлаб чиқиш ва амалиётга таътиб этишда касба

уюшмалари ҳам фаол катнашмоқда. Меҳнат муҳофазаси йўналишида ишларнинг тақомиллашиб бораётгани, қонуничиликнинг мустахкамлангани боис ушбу масалага эътибор ҳам сезиларли даражада кўчади.

Дарвоқе, касба уюшмалари томонидан «Меҳнат муҳофазаси ва хавфсизлиги бўйича жамоатчилик назоратини ташкил этиш юзасидан республика кўрик-танловининг» вилоят босқичини ўтказиш юзасидан «Энг яхши бошлангич ташкилот», «Энг яхши касба уюшмаси кўмитаси», «Энг яхши меҳнат муҳофазаси бўйича вакил» ҳамда «Энг яхши меҳнат муҳофазаси бўйича 35 ёшдан ошмаган ёш мутахассис» каби тўртта йўналиш бўйича беллашувлар ташкил этилмоқда.

Ғоиблар касба уюшмаларининг диллом ва кимматбаҳо совғалари билан тақдирланди.

Усмон КАРИМОВ,
Самарқанд вилоят касба уюшма ташкилотлари бирлашмаси бўлим мудири

Яхшилик

Бор бўл, оқибат!

Республикаимизнинг барча ҳудудларида кам таъминланган оила-ларни ижтимоий қўллаб-қувватлаш, маиший шароитини яхшилаш, уй-жойларини таъмирлаш, саломатликларини тиклаш борасида амалий ёрдам кўрсатилмоқда.

Шундай хайрли тадбирлардан бири пойтахтимизнинг Юнусобод туманида ташкил этилиб, боқувчисини йўқотган, ижтимоий-иқтисодий кўмакка муҳтож, ногиронлиги бўлган ва эҳтиёжман 111 нафар фуқарога қундалиқ турмушда зарур бўлган маиший техника жиҳозлари тақдим этилди.

— Мухтар Президентимизнинг ташаббуси билан аҳолининг барча қатламига эътибор қаратилмоқда. Жум-

ладан, ногиронлиги бўлган ва эҳтиёжман оила вакилларининг қўллаб-қувватланиши уларнинг ҳаётга бўлган иштиёқини оширишда муҳим омил бўлмоқда, — дейди Шухрат Махмудов. — Касба уюшма фаолларининг уйимизга келиб хол сўраб, бизга Президентимиз томонидан совға берилишини айтишганида ич-ичимдан қувондим, шундай юртда яшаётганидан фахр ҳиссини туйдим. — Ҳаётнинг машаққатли синовлари

рини энгил баъзан қишнинг жуда толиқтириб қўяди, — дейди Феруза Йўлдошева. — Шундай вақтда ёнингда бир кўмакчига муҳтожлик сезасан. Бугунги кунда касба уюшмалари том маънода халқимизнинг кам-кўстини бартараф этиш, эҳтиёжман оилаларга ёрдам беришга алоҳида эътибор қаратмоқда. Биргина Юнусобод туманида эмас, республикаимизнинг барча ҳудудда аҳолининг турмуш шароитини яхшилашга қаратилган ҳаракатлар тинимсиз давом этмоқда.

Ушбу йўналишдаги ибратомуз тадбирлар юртимиз бўйлаб давом этмоқда.

Ўз мухбиримиз

Меҳнат муҳофазаси

ХОДИМЛАР ҲУҚУҚИ ПОЙМОЛ ЭТИЛСА КАСБА УЮШМА ФАОЛЛАРИ КЎМАККА ТАЙЁР

Ўзбекистон Республикаси Вазирлар Маҳкамаси, Касба уюшмалари Федерацияси, Савдо-саноат палатаси ўртасида ижтимоий-иқтисодий масалаларга оид 2016 – 2018 йиллар учун мўлжалланган Бош келишув барча соҳада фаолият кўрсатаётган ходимлар ижтимоий-иқтисодий манфаати, меҳнат ҳуқуқлари билан биргаликда, улар меҳнатни муҳофаза қилиш ва хавфсиз иш ўринларини таъминлашда муҳим ўрин тўтмоқда. Бош келишув ва тармоқ келишувларида белгиланган вазифалар ижроси юзасидан вазирлик, идора ва компаниялар томонидан қатор самарали ишлар олиб борилаётди.

Агросаноат мажмуи ходимлари касба уюшмаси Республика кенгаши ҳамда вазирлик, идора ва компаниялар ўртасида «Меҳнат муҳофазаси, ишлаб чиқариш жараёнида бахтсиз ҳодисалар ва касб касалликларининг олдини олиш, ходимларнинг ижтимоий-иқтисодий ҳамда ҳуқуқий манфаатларини ҳимоя қилиш» бўйича чора-тадбирлар ишлаб чиқилиб, уларнинг амалга оширилиши фикримиз тасдиғидир.

Меҳнат муҳофазаси масаласига алоҳида эътибор қаратиш ва ишлаб чиқариш хавфсизлиги стратегиясини ўз қорхоналарида яратиш иш берувчи ва касба уюшмалари олдига турган муҳим вазифа ҳисобланади. Бунда ҳар бир ходим онгига хавфсиз ишлаб чиқаришга дахлдорлик ҳиссини синдириш, қорхона ва ташкилотларда меҳнат муҳофазасини бошқариш тизимини янада тақомиллаштириш, аниқланган тизимдан самарали тизимга, яъни касба оид хавф-хатари баҳолаш, бахтсиз ҳодиса-

ларга олиб келиши мумкин бўлган манбаларни аниқлашга эришиб, уларнинг бартараф этилишини таъминлаш лозим.

Агросаноат мажмуи соҳасида содир бўлган ва бўлаётган бахтсиз ҳодисалар таҳлил қилинганда, қорхона ва ташкилот раҳбарлари томонидан меҳнатда жабрланган ходимларнинг меҳнат, ижтимоий-иқтисодий ва ҳуқуқий манфаатлари ҳимоя қилинмасликлари ҳолатларига гувоҳ бўлинмоқда.

Мисол учун, Қашқадарь вилоятидаги Жейнов пахта тозалаш қорхонаси ишчисини Отабек Саидов 2013 йил 19 мартда пахта хомашёсини қайта ишлаш ҳеҳида иш жараёнида бахтсиз ҳодиса туфайли оғир тан жароҳатини олган. Содир бўлган бахтсиз ҳодиса Қашқадарь вилояти Бандлик бош бошқармаси томонидан тузилган комиссия иштирокида ўрганиб чиқилиб, махсус текшириш далолатномаси тузилади. Комиссия томонидан берилган таклифлар ва тегишли

Низом талабларига асосан, қорхона раҳбари 3 кун давомида Н-1 шаклидаги далолатнома тўлдириб, жабрланган ходимга тақдим этиши лозим эди. Лекин бу талаб бажарилмади.

2017 йил 20 ноябрда фуқаро О.Саидов ушбу ҳолат юзасидан Ўзбекистон касба уюшмалари Федерацияси раиси номига Жейнов пахта тозалаш қорхонаси раҳбарияти томонидан у билан содир бўлган бахтсиз ҳодиса оқибатида Н-1 шаклидаги далолатнома тузилмасдан келинаётгани ва унинг меҳнат соҳасидаги ҳуқуқлари бузилганлиги тўғрисида мурожаат қилган. Мазкур ҳолат юзасидан Агросаноат мажмуи ходимлари касба уюшмаси Республика кенгаши меҳнатни муҳофаза қилиш бўлими ва Қашқадарь вилояти Бандлик бошқармаси мутахассислари ҳамкорликда қорхона раҳбарияти меҳнатни муҳофаза қилиш тўғрисидаги Қонуни талабларига мувофиқ тақдимнома киритишди ва натижада фуқаро О.Саидов билан содир бўлган бахтсиз ҳодиса юзасидан ўтган йилнинг 27 ноябрда Н-1 далолатномаси расмийлаштириб берилди.

Бундан ташқари, Тошкент вилояти Чиноз тумани А.Исломов кўчаси 20-уй 3-хонадонда яшовчи касб касаллиги бўйича 2-гурҳ ногирони фуқаро Актам Нурмурадов кўп йиллар давомида Чиноз пахта тозалаш қорхонасида механик бўлиб ишлаб, касб касаллигига учраган. А.Нурмурадов

Учрашув

Тошкент давлат юридик университети ҳузуридаги академик лицейда Ўзбекистон Республикаси Фанлар академиясининг ҳақиқий аъзолари томонидан Президентимиз Шавкат Мирзиёевнинг Олий Мажлисиغا Мурожаатномасида илгари сурилган долзарб масалаларнинг мазмун-моҳиятини тарғиб қилишга бағишланган учрашув бўлиб ўтди.

Атрофлича тушунча берилди

Инсон ҳуқуқлари бўйича Ўзбекистон Республикаси Миллий маркази директори, академик Акмал Саидов ва «Ижтимоий фикр» жамоатчилик фикрини ўрганиш маркази директори, академик Раъно Убайдуллаева ўқувчиларга юртимизда амалга оширилаётган туб ислохотлар, сиёсий жараёнлар ва ёшларга берилётган кенг имкониятлар хусусида атрофлича тушунча ҳамда турли масалалар бўйича қимматли маслаҳатлар берилди. Президентимизнинг Мурожаатномаси мазмун-моҳияти тушунтирилди.

Тадбир ўқувчи ёшлар ўртасида ўзаро қўлим алмашиш, ўз конституциявий ҳуқуқларини яхши тушуниб етиш, фаол бўлиш ҳамда мустақил фикрлашга ундовчи баҳс-мунозара тарзида ўтказилди.

— Бугунги учрашув ўқувчиларимиз дунёқарши кенгайиши, ҳуқуқий саводхонлиги ошишига хизмат қилади, — дейди ҳуқуқ ва махсус фанлар кафедраси мудири Феруза Лутфуллаева. — Ўқувчилар учун Ички ишлар академияси ҳамда Тошкент давлат юридик университетида очик эшиклар қуни ташкил этилган. Лицейимизда «Устоз-шогирд» айналарини яхши йўлга қўйилган. Академикларимиз таъкидлашганидек, фақат яхши ниёт, шахдам кадамлар билан олга интилиш керак! Лицейимизда таълим олаётган 400 нафар ўқувчи келажакда Ватанимизнинг ҳақиқий тиргалари бўлишига ишонамиз.

— Тадбирда ўртоқларим билан энг долзарб муаммолардан бири — Орол денгизи мавзусига бағишланган саҳна кўринишини ижро этдик, — дейди лицейнинг 2-босқич ўқувчиси Мирсардор Чориев. — Халқ қабулхоналари ташкил этилганлиги, қўллаб муаммолар ечим топаётгани, эзгу ишлар рўёбидан жуда хурсандимиз.

Ўтган йили декабр ойида Сергели туманида ўтказилган «Китобхонлик» танловида ижтимоий фанлар бўйича галиб бўлдим. Яратилган имкониятлардан кенг фойдаланиб, юртимизнинг муносиб фарзанди бўлишга ҳаракат қилдимиз.

Ўқувчилар томонидан ижро этилган саҳналаштирилган томоша тадбирга файз бағишлади.

Комила БОЙМУРОВА,
«Ishonch» мухбири

Реклама


«TASHKENT REALTOR SERVICE» МЧЖ бошлангич баҳоси босқичма-босқич ошиб бориш шаклида ўтказиладиган очиқ аукцион савдоларига таклиф этилди!

Очиқ аукцион савдолари Тошкент вилояти, Қайриб тумани ва Зангиота туманидаги туман заҳоти ер-лиги ҳисобига олинган қўйилган «Богзор» ва «Узурқорлар» қўйилмоқда.
1. Тошкент вилояти Қайриб тумани «Қайриб ОАИЭС» СНУ ҳудудда жойлашган «QIBRAY-BOG'ISHAMOL» ф.х. белансиди 18,18 га ер майдонида жойлашган «Богзор» ва темир устулларга бариштирилган еттидан иборат қўйилган қўйилган баҳоси — 347 420 000 сўм.
2. Тошкент вилояти Зангиота тумани М.Улугбек массиви ҳудудда фойдалан қўйилган «KJLM AGRO BIZNES» ф.х. дан туман заҳоти ерлари ҳисобига олинган 86,87-га майдонда жойлашган жами 4,10 га, шундан 4,0 га ер майдонида жойлашган «Богзор», бошлангич баҳоси — 12 172 336 сўм.
3. Тошкент вилояти Зангиота тумани М.Улугбек массиви ҳудудда «ALPOMISH OMAD FAYZ» ф.х. дан туман заҳоти ерлари ҳисобига олинган 80-га майдонда жойлашган жами 2,86 га, шундан 2,72 га ер майдонида жойлашган «Богзор», бошлангич баҳоси — 4 090 947 сўм.
4. Тошкент вилояти Зангиота тумани М.Улугбек массиви ҳудудда фойдалан қўйилган «XASANOVA MADINABONI AGRO» ф.х. дан туман заҳоти ерлари ҳисобига олинган 86,87-га майдонда жойлашган жами 4,77 га, шундан 3,54 га ер майдонида жойлашган «Богзор», бошлангич баҳоси — 14 161 474 сўм.
5. Тошкент вилояти Зангиота тумани А.Ироқов массиви ҳудудда фойдалан қўйилган «BAKTIYOR BEKZOD AGRO EXPORT» ф.х. дан туман заҳоти ерлари ҳисобига олинган жами 3,86 га, шундан 1,60 га ер майдонида жойлашган «Богзор» ва 1,99 га ер майдонида жойлашган «Узурқор» бошлангич баҳоси — 3 491 439 сўм.
6. Тошкент вилояти Зангиота тумани А.Ироқов массиви ҳудудда фойдалан қўйилган «SHORA MEHNAI AGRO» ф.х. дан туман заҳоти ерлари ҳисобига олинган жами 6,17 га, шундан 2,02 га ер майдонида жойлашган «Богзор», бошлангич баҳоси — 3 038 418 сўм.
Қайриб тумани бўйича очик аукцион савдоси 2018 йил 19 феврал куни соат 11:00 да Тошкент шаҳар Мировот тумани Алабб ота кўчаси 13-уйда бўлиб ўтади. Зангиота тумани бўйича очик аукцион савдолари 2018 йил 19 феврал куни соат 15:00 да Зангиота тумани ҳокимлиги бошқисида бўлиб ўтади. Мазкур объектлар сотилмай қолган тақдирда тақрибий аукцион савдоси 2018 йилнинг 6 март, 22 март кунлари соат 11:00 да ва 15:00 да бўлиб ўтади. Аукцион савдосида иштирок этиш аяқлашни билдирган шаклда «Савдат нура» тўғрисидаги қонуннинг инновацияда сўнг объекти бошлангич баҳосини 15 фойдан кам бўлмаган миқдордаги аввалгидан «TASHKENT REALTOR SERVICE» МЧЖнинг «Ishonch» бўлими АНТБ Тошкент шаҳар Мировот филиалида 202008004076496001 хабар рақамига, МФО: 0101, СТР: 301 743 808 ушбуларча лозим.
Аукцион савдосида катталикни учун талабдорлар қўйилган ҳужжатларни тошириши лозим:
4 - қордан, шакллар учун — давлат рўйхатидан ўтказилганлик тўғрисидаги тўқсонликнинг нусхаси, ишончли вақти ишларга этишда ишончнома.
4-қисқичлик ишлар учун — шаклдор нусхаси, ишончли вақти ишларга этишда ишончнома.
Мазкур ҳужжатлар эълон қилинган кундан бошлаб расмий иш кунлари соат 9:00 дан 16:00 гача Тошкент шаҳар Мировот тумани, Алабб ота кўчаси, 13-уй, 2-қаватда қабул қилинган ва савдога берилган оқидан соат 18:00 да ўтказилган ва тақрибий савдолар учун савдодан бир кун олдин соат 16:00 да ўтказилган. Қўйилган маълумотларни телефон рақами 33224411 ва ёки 147-40-00 телефон рақами орқали олиниши мумкин. Ҳужжатлар лицензияланган. ИВ-366906.

Публицистика

Ватан, айланайин тупроқларингдан!

Ўзбекистон деганда жоним ичида бир сеҳрли қўнғироқ жаранглайди. Юртимиз мустақилликка эришганда мен тўрт ёшда эдим. Истиқлол билан бирга ўлғай бордим. Ўзимнинг уйим, ўзимнинг кўчам, ўзимнинг маҳаллам, ўзимнинг мактабим, ўзимнинг китобим ва ўзимнинг дўстларим дея қадр қиладиган ва қадр биладиган даражага етдим.



Биринчи марта кўлимни кўксимга қўйиб Ватан мадҳиясини ижро этганимда бутун борлигим ларзага тушганлигини ҳеч унутмайман. Биз болалар Мустақиллик дарслари орқали мамлакатда бўлаётган буюк ўзгаришлар ўсиб келаётган авлодга хизмат қилишини англаганимиз сари ушбу муқаддас заминга меҳр-муҳаббатимиз ҳам ортиб бораверди.

Бугун ўзим ҳам онаман. Жажжи кизалоғимга жонажон Ватаним ҳақида ҳикоялар, шеърлар ўқиб берман. У ҳали жуда ёш, лекин Ватан туйғусини жон-жаҳди билан англашга интилади. Худди ўзим каби ўзимизнинг уйимиз, ўзимнинг гуларим, дафтарларим, қушларим дейди.

Улуғ ёзувчи Чўлпоннинг «Кеча ва кундуз» асарини, албатта, сиз ҳам мурола қилгансиз. Ундаги Зеби худди менинг дугонамаг ўхшайди. Йўқ, аччиқ қисмати, бахтсиз тақдир билан эмас, балки мен билан баробар ёшда эканлиги билан ҳам менга ўхшайди. Тафовутни қарангки, мен олий ўқув юрларини тугаллаб, халқаро журналист мутахассислигига эга бўлдим. Зеби эса гулдек гўзаллиги, кўнғироқдек овози, гўзал орзулари билан тўрт девор ичида қолди. У

хатто ўзини химоя қилишни ҳам билмайди, хатто савод ҳам чиқармаган. Содда, беғубор кизнинг умри қоронғу кечаларда йўқликка юз тутди...

Бугун биз бошидан сув ўгириб ичса арзигулик ўхшаши йўқ Ватанда яшамокдамыз. Ҳамма нарса муҳайё. Муҳтарам Президентимиз Шавкат Мирзиёев ижодкор зиёлилар вакиллари билан ўрашувдаги маърузасида биз ёшлар ҳақида алоҳида тўхталиб, адабиёт, театр ва кино, мусиқа ва тасвирий санъат, журналистика соҳаларига кириб келаётган ёш истеъдод эгалари учун Ўзбекистон ёш ижодкорларнинг семинарини ташкил этиш масаласини ўртага ташлаганларида канчалар қувонганимни таърифлаб беролмайман.

Бу ижодий анжуман ёшларимизни маҳорат сирларига ошно қилиш билан бирга, улар ўрта-сидда дўстлик ва ҳамкорлик муносабатларини ҳам қарор топтиришга хизмат қилган бўларди, деб таъкидлади Давлатимиз раҳбари. Шунингдек, Ўзбекистон Журналистлари ижодий уюшмасини алоҳида бино билан таъминлаш масаласи ҳам ўз ечимини топди.

Она Ўзбекистонимизда ҳаётнинг ҳамма жабҳаларида бўлаётган улкан ўзгаришлар мендек ёшлар учун фахр ва ҳайрат мактабидир. Она ўз боласини ўзинга хос муҳаббат билан яхши қўриганидек мен ҳам ўз она Ватанимни фарзандлик муҳаббати билан ўзимгагина хос боқира туйғу-

лар билан яхши қўраман.

Менинг мустақил, ёш, навқирон Ўзбекистоним ўз Конституциясига, унинг 5-моддасида белгиланган давлат рамзлари — ўз байроғи, герб ва мадҳиясига эга.

Ҳар тонг давлат мадҳиямиз бизни уйғотиши, мусаффо осмонимиз кўксиде байроғимизнинг улғувор хилпираб туриши, бу халқимизнинг битмас-туганмас бойлиги, асрий армонлари рўёбидир.

Юртимизнинг қон томирлари бўлган кўнглини равшан, узоғимизни яқин қилувчи йўллардан юганимда кўксим фахр-ифтихорга тўлиб кетади. Тошкент — Қарши, Тошкент — Самарқанд ва Тошкент — Бухоро йўналиши бўйлаб бораётган энг замонавий поездларимиз, аjoyиб темир йўл вокзаллари, аэропортлар юртимизга ташириворган хорижлик сайёҳларни-да ҳаваслантираётгани бежиз эмас. Ўзимизда ишлаб чиқарилган кўчаларни тўлдириб юрган машиналаримизни айтмайсизми?!

Истиқлол кўшини хар дақиқа, хар он нуруларини бошимиздан сочиб турибди. Истиқлол бизга ўзимизни англаш имкониятини берди: «Бир ўлкаки болгалари шивирлар баҳор, Бир ўлкаки сал кўрмаса кўш соғинар», деб ёзган эди улуғ шoirларимиз Ойбек. Чиндан отажон Ватанимиз таърифи шеър доғларига сиймайди. Унинг бир ховуч тупроғи кўзга тўтиё. Мен уни кўзимга суриб: Ватан, айланайин тупроқларингдан, дегим келди...

Нозима УМАРОВА

Мулоҳаза

ФИДОЙИЛИК БИЛАН ЖОНФИДОЛИК: бу тўшунчалар ўртасидаги фарқни унутмадикми?

Бугун нимагадир баландпарвозликка одатланиб қолдик. Баъзан эса ким ўзарга ўйнагандек шу қадар таъриф-тавсифларга берилиб кетамизки...

Камчиликни баратараф қилгандан унинг олдини олган афзал, дейишди. Тегишли ишчи гуруҳлар томонидан маҳаллалар ҳаётини ўрганиш давомида қанчадан-қанча аҳоли қатламининг муаммолари аён бўлди. Ҳатто тутилганлик гувоҳномаси йўқ, шу сабаб на мактаб, на боғчага бормаётган болалар, ҳеч ким борлигини ҳам билмаган, аммо сизу биз яшаётган маҳаллада истикомат қилаётган ногиронларни «сезиш»га муваффақ бўлдик. Бу, аслида, ютуқ ёки ҳисобот тўлдирини шакли эмас, балки ўтган йилларда амалда қилинмаган, қоғозбозлик билан яширилган камчиликларимиздир. Ачинарлиси, унда ҳаммамизнинг ҳиссамиз бор. Уларнинг амалга ошишида бевосита иштирокчи бўлмаганимиз, аммо бемаврид СУКУТимиз билан ҳисса қўшганимиз бор гап.

Келинг, кундалик ҳаётимиздаги айрим муаммоларни таҳлил элагидан бир ўтказайлик: ўз ишингиз (ўқини ёки хунарингизни) бажаришда доимо ҳалоллик мезонига таянмасизми? Атрофингиздаги одамларга эътиборли ва даврадошларингизга нисбатан масъулиятни ҳис қиласизми? Зеро, ижтимоий ҳаётимиз мунтазам қандайдир давралар (ишда ҳамкасблар, оилада қариндошлар, кўча-кўйда танишлар, боғчада ёки мактабда фарзандингизга ўртоқ бўлганларнинг ота-оналари ва ҳоказо давралар) куришда кечеди. Айни шу гуруҳларда ўз масъулиятингизни билиш ва уни ҳис қилиш фидойилик томон илк қадамдир десам, мулоҳазага йўйманг. Мулоҳаза қаро-вини кенроқ оласак, муддоа ойдинлашади. Бир танишим вилот марказига тумандан қатнаб ишлайди, кунлик узок йўл, таассуротлар ҳам шунга яраша. Бир кун кечки пайт одатича бекатга борибди. Йўл четига кайфи ошиб қолган ўрта ёшлардаги эркек узала тушиб ётганмиш, ёнида 7-8 ёшлардаги ўғилчаси дада деган зотни нима қилишни билмай кўзлари мўлтираб турганмиш. «Бир бекат одам, бирортаси болага қарай демайди, — ҳикоя қиладди тани-

шим. — «Ўғлим, уйинг қаерда?» деб сўрасам, елка қиладди. Қирақашлар: «Опа, бу киши фалон кишлоқдан», дейишди. Ўша кишлоққа борадиган биттасига: «Ука, шу боламини олиб бориб, уйига ташлаб қўйинг, йўл ҳақини мен берман», дедим. Атрофдагилар хайрон бўлиб, «бу бола сизга бирор қимми?» деб сўрашди. «Менга-ку ҳеч қиммас, аммо куннинг совуғида гўдакни кўчада қолдириб бўладими? Дадаси кайфи тарқалса, йўлни топиб олар, аммо болани бундай хор қилиш яхшимас», дедим. Болани жўнатган, кўнглим хотиржам торди-ю, бирок шунча пайтдан бери одамларимизнинг унга эътиборсизлик қилганидан ранжидим. Худо кўрсатмасин, бирор кўнгли қора қимса шикаст етказса, нима бўларди? Ёрдам сўраб, давлат идоралари эшигини тақиллатамиз. Вақтида хушёрликни қўлдан бермасак, қанча-қанча жиноятлар содир бўлмайди, бу дегани бюджетнинг (яъники мен ва сизнинг) маблағиниш бошқа хайрлироқ ишларга йўналтирилади-ку!» Ўрниди мулоҳаза. Керакли ишни ўз вақтида қилиш билан ўлчанмайди, ахир, фидойилик!

«МЕНГА МУМКИН!»

Болаларимни олиш учун боғчага бордим. Қийин алиштириб турсак, хонага икки она кириб келди. Қизиги, қийин алиштириш хонасига қадар, учта хонадан ўтиб келадиган масофага иккиси ҳам этгини ечмай кириб келишганди. Бу, биринчи навбатда, болажонларнинг саломатлигига бепарволик, қолаверса, фаросатсизликни кўрсатувчи белги экани ҳеч қимга сир эмас. Эшитилган жавобдан нафақат биз, сиз ҳам ажабланишингиз таъби: «СЭСда ишлаймиз, бизга мумкин! Шу киришимиз ёқмаётган бўлса, боғчани ёпиб қўйиш ҳам бизнинг қўлимизда!»

Халқимизда «Гапни гапир уққанга» деган чиройли нақл бор. Ҳазрат Навоий бу ҳақда шундай дейди: «Қобилга тарбият қилмоқ зулмдур ва ноқобилга тарбият хайф. Ани адами тарбият бирла зоеъ қилма ва мунга тарбиятингни зоеъ қилма».

Соҳа фахрийларидан бири билан бу ҳақда суҳбатлашганимизда: «Болалар гавжум жойларга бошқа жойларга нисбатан эҳтиёткорлик билан ёндашимиз шарт.

Айниқса, соҳа ходимлари. Чунки улар қасб тақозоси билан турли хавфли инфекциялар ўчоқлари бўлишди. Қолаверса, бола ўйнайдиган, ўйинчоқлари турадиган жойга қайси она шу ҳолатда қадам босади. Бу тузланингни туғлаш билан баробар-ку!»

Қизикли устунлик қилиб, туман ДСЭНМ бош врачига кўнғироқ қилдик. Ҳалиги бизга бепасанд муносабатда бўлган аёллар ҳақиқатдан ҳам туман покизалиги, санитария талабларига мувофиқлигини назорат қилувчи шу даргоҳда ишлашар, қизиги, улардан фақат бириси ҳамшира, бошқаси санитарка (қичик тиббиёт ходими) экан. Жамоат жойида касбий этикага, умуминсоний ахлоқ нормаларига амал қилмаган инсондан қим ҳам вазифасига сидқидилдан ёндашишни кутарди. Бу худдики болалигимизда ёллаганимиз «Доктор Бўри» баллачасини ёлға солмаётганими? Боши оғриётган кўнғинг оёғини кесиб даволашдан не наф! Ўзи ибрат бўлиб, покизалик аъмолини намоён этмаган, муассасасининг ва зифаси ижтимоий объектни ёпиб қўйиш эмас, назорат, амалий ёрдам берини эканлигини тушунмаган, қолаверса, бу ишлар унинг лавозимий ваколатига кирмаслигини тушунмаган ходимдан қандай натижа кутини мумкин? Бу, шунчаки, бизни қийнаган саволлар. Ҳолатнинг қонуний баҳосини марказ раҳбарига хавола этдик.

Аслида, касбий салоқатсизлик шундай ҳаволанишлардан бошланади, бизнингча. «Менга мумкин!» дея ҳамшира ёхуд санитарка шундай номгўқчиликка йўл қўяди, шундай бемаврид ишонч билан ЙХХ ходими светофорнинг қизил чироғида ўтади, солиқ назоратчиси худудидидаги тадбиркордан пулини тўламай харажат қилиб кетаверади... Бу ишлар биринчи босқич сифатида навбатдаги кўнғилсизликларга йўл очиб бераверади. Биринчи босқичнинг ўзидаёқ бу дилхирликларга барҳам бериш — ХУШЁРлик ҳам Ватанга фидоликнинг бир кўринишидир!

Дилдора РАҲМОНОВА,

«Ishonch» мухбири

Эътироф

Тинчлигимиз кафолати

Давлатимиз раҳбари томонидан Хавфсизлик кенгашининг кенгайтирилган таркибдаги мажлисида тинчлигимизни асраш, армиямизни ҳар томонлама ислоҳ этиш бўйича жуда кўп ғоя ва ташаббуслар илгари сурилди. Бу эса Қуролли Кучларимиз ташкил тошганлигининг 26 йиллик байрамига алоҳида маъно ва мазмун бахш этди.

— Ҳеч бир мулоҳазасиз эътироф этиш жоизки, кейинги йилларда юз берган муҳим ўзгариш ва янгиланишлар ҳарбий хизмат нуфузини юқорига кўтарди, армия ва халқ ақидиллигини мустаҳкамлади, — дейди Фарғона гарнизони ҳарбий комендатура майори Ёкубжон Азаматов. — Қуролли Кучлар сафида хизмат қилиш Ўзбекистоннинг ҳар бир фуқароси учун нафақат конституциявий бурч ва муқаддас мажбуриятга, айни чоғда нуфузли касбга айланди.

Шу кун Фарғона шаҳри аввал қузатилмаган файзу-тароватга тўлди. Қўчалар бўйлаб саф тортиб ўтган аскар ва ҳарбийларни, ҳарбий техникалар намоишини юртдошларимиз чексиз фахру ифтихор билан кузатиб, олқишладилар. Тантанали маросим Ислом Каримов номидаги вилот Театр-концерт саройида бошланган тадбирга улашиб кетди.

Даставвал саҳнага давлатимиз байроғи олиб кирилди. Маҳкам янгради. Муҳтарам Президентимиз, Қуролли Кучлар Олий Бош Қўмондон Шавкат Мирзиёевнинг Қуролли Кучларимиз ташкил этилганининг 26 йиллиги ва Ватан химоячилари кун муносабати билан байрам табригини вилот хокими, Олий Мажлис Сенати аъзоси Шухрат Ганиев ўқиб эшиттирди.

Муҳим сана олдидан Президентимизнинг «Ватан химоячилари кун ва Ўзбекистон Республикаси Қуролли Кучларининг 26 йиллиги муносабати билан ҳуқуқий муҳофаза қилиш органлари, муҳофаза ва фавуқлода вазиятлар вазирликлари ходимларидан бир гуруҳини муқофотлаш тўғрисида» фармонининг имзоланган соҳа вакилларига кўрсатилган юксак ғамхўрликнинг яна бир намунаси бўлди.

Давлатимизнинг муҳофаза қудратини янада юксалтириш, миллий хавфсизликни ва давлат чегаралари дахлсизлигини таъминлаш ишига қўшаётган қатта ҳиссаси, миллий маънафатларимизни химоя қилиш ҳамда тинчлик, барқарорлик ва жамоат тартибини таъминлаш борасидаги хизмат бурчини бажариш чоғида мардик, жасорат ва фидойилик кўрсатганлар сафи

тобора тўлиб бораётгани янада қувонарлидир.

Давлат муқофотларини, орден ва медалларни Ўзбекистон Республикаси Мудофаа вазирининг биринчи ўринбосари Павел Эргашев тантанали равишда топширди.

— Бу галги байрам мен учун унутилмас бўлиб қолади. Фаолиятим юксак давлат муқофотига лойиқ топилгани зиммамдаги масъулиятни янада оширди, — дейди ҳарбий қисм командири, «Мардик» ордени соҳибни Азизбек Хўжаахматов. — Бу унвонни барча ҳамкасбларимга, сафдошларимга билдирилган ишонч деб биламан.

— Президентимиз табригини тинглаб, муҳофамаиз қудрати йилдан-йилга юксалаётганини, ҳарбийларни ижтимоий муҳофаза қилиш масаласига алоҳида эътибор қаратилаётганини яна бир қарра ҳис этдим, — дейди «Шухрат» медали билан тақдирланган ҳарбий қисм взвод секция командири Авазбек Камолов. — Эътирофга муносиб бўлишга астойдил интиламиз. Юртимиз тинчлигини, халқимиз осойишталигини асрашга янада ғайрат-шижоат билан ёндашамиз.

Тадбир давомида ўз хизмат вазифасини намунали адо этаётган бир гуруҳ соҳа вакиллари, турли ҳарбий кўрик-танлов ва мусобақалар голибларига вилот хокимлигининг дипломи, фахрий ёрлик ва қимматбаҳо совғалари, сарҳадларимиз дахлсизлигини химоя қилишда, хизмат вазифасини бажариш чоғида мардларча ҳалок бўлган юртдошларимизнинг оила аъзоларига пул муқофотлари топширилди.

Эстрадаимизнинг ёрқин юлдузлари, вилотимизнинг танikli санъаткорлари ва турли ансамбллар томонидан дилрабо кўшиқлар ижро этилди, ҳарбий-ватанпарварлик руҳидаги оҳанглар янгради.

Қутлуг байрам Фарғона шаҳридаги «Файз» тантаналар мажмуасида — тўқин дастурхон атрофида якунига етди.

Мадаминжон СОЛИЖОНОВ,
Абдулҳай ЮСУФОВ

Бурчга садоқат ва рағбат

Миллий армиямиз сафида хизмат қилмоқ ҳаёт мактабидан дарс олмоқ билан баробар. Сабаби, Ватан олдидаги фарзандлик бурчини адо этаётган йигитнинг иродаси тобланиб, ён-атрофдаги ҳодисаларга дахлдорлик ҳисси шаклланиб боради. Бугун, ҳарбий қисмда хизмат вазифасини бажаряётган ўғлонлар юрпта садоқат руҳида тарбияланиб, жисмонан соғлом, маънан етуқ инсонлар бўлиб чиниқмоқда.

Ҳарбий қисмимизда тез-тез ташкил этиладиган маданий-маърифий ва спорт тадбирлари ўтказиб турамыз. Унда ҳарбийларимизнинг оилалари иштирок этишга алоҳида эътибор қаратамыз. Му-

собақа голиблари ҳар томонлама рағбатлантирилмоқда.

Ҳар йили ходимлар ва уларнинг оила аъзоларига соғлиқларини тиклаб олишлари учун санаторийларга илтиёзли йўлланмалар ажратилмоқда, ўғил-қизларнинг оромгоҳларда кўнгли даим олишлари учун ғамхўрлик қилинаётди.

Касб байрами арафасида 36 нафар ҳарбий хизматчимизнинг янги уйларга қўниб ўтиши чинакам байрам бўлди. Замонавий уйлардаги шароитлардан хурсанд бўлган хонадон бекаларига маиший техника воситалари тўхфа этилди.

Зульфу ДУСБАНОВА,
Н-ҳарбий қисм касабакўм раиси

Эълон

Ислом Каримов номидаги Тошкент давлат техника университети томонидан университет талабаси Носиржонов Бобур Баходир ўғли номига берилган №1071 рақамли рейтинг дафтарчаси йўқолганлиги сабабли бекор қилинади.

Кимё ва фармацевтика саноати ходимлари касабга уюшмаси Республика кенгаши жамоаси тармоқ тизимидаги «Вакцина» илмий-ишлаб чиқариш бирлашмаси бош директори Баҳром Вафоқуловга турмуш ўртоғи **Ҳолида МҲМИНОВА**нинг вафоти муносабати билан ҳамдардлик билдиради.

Кимё ва фармацевтика саноати ходимлари касабга уюшмаси Республика кенгаши жамоаси бош юристконсулт Аслиддин Хасанбоевга палари бузруквор **Жалолиддин отанинг** вафоти муносабати билан ҳамдардлик билдиради.

МУАССИС:



2007-йил 11-январда
O'zbekiston Matbuot va
axborot agentligida 116-raqam
bilan ro'yxatga olingan.

Bosh muharrir o'rinbosari:
Zayniddin RIXSIYEV

Tahrir hay'ati:

Abdulaziz Abdullayev, To'liqin Teshaboyev, Eson Rajabov,
Ulug'bek Jalmenov, Farhod Xanapiyayev, Ravshan Bedilov, Asror
Ishanxodjayev, Muhabbat O'rmonbekova, Oksana Belousova,
Timur Mamajonov (bosh muharrir o'rinbosari), Akmal Toshev

Bo'limlar:

Kasaba uyushmalari hay'ati — 256-87-63
Huquq va xalqaro hayot — 256-64-69
Milliy-ma'naviy qadriyatlar va sport — 256-82-79
Xatlar va muxbirlar bilan ishlash — 256-85-43
Elektron nashr va AKT — 256-87-73

Manzillimiz:

100165, Toshkent shahri,
Buxoro ko'chasi, 24-uy
E-mail: xatlar@ishonch-doverie.uz

Gazeta haftaning seshanba, payshanba va shanba kunlari chiqadi.
Sotuvda erkin narxda.
Gazeta «Ishonch»ning kompyuter markazida terildi va sahifalandi.

«Sharq» nashriyot-matbaa aksiyadorlik kompaniyasi bosmaxonasida chop etildi. Korxonaning manzilli: Buyuk Turon ko'chasi, 41-uy.

Tahririyat hisob raqami:

2021 0000 0004 3052 7001,
ATIB «ipoteka bank» Yashnobod filiali,
bank kod: 00959, STIR: 201133889, OKONK: 87100

Hududlardagi muxbirlar:

Qoraqalpog'iston
Respublikasi — (+998-91) 268-92-32
Andijon — (+998-91) 475-23-60
Buxoro — (+998-93) 653-50-81
Jizzax — (+998-91) 943-67-44
Namangan — (+998-90) 260-50-77
Navoiy — (+998-93) 314-13-03
Samarqand — (+998-97) 915-50-87
Sirdaryo — (+998-90) 610-95-55
Surxondaryo — (+998-91) 233-69-07
Farg'ona — (+998-91) 141-27-70
Xorazm — (+998-90) 719-48-00
Qashqadaryo — (+998-91) 467-30-01

«Ishonch»dan olingan ma'lumotlarda manba sifatida gazeta nomi ko'rsatilishi shart. Mualliflar fikri tahririyat nuqtayi nazaridan farqlanishi mumkin.

Navbatchi muharrir:

U. Ibrodov
Navbatchi:
D. Oripov
Musahhirlar:
S. Shodiyeva
Sahifalovchi:
H. Abdullajilov
Bosishga topshirish vaqti — 01:10
Topshirildi — 01:30
1 2 3 5 6
Gazeta ofset usulida,
A-2 formatida bosildi.
Hajmi 2 bosma taboq.
Buyurtma A — 109,
31839 nusxada bosildi.
Nashr ko'rsatkichi: 133